



REPUBLIKA E SHQIPËRISË
GJYKATA E LARTË
ZËVENDËSKRYETARI

Nr. 4019 Prot.

Tiranë, më 15.11.2021

NJOFTIM

**për hapjen e procedurës së aplikimit për anëtar të Gjykatës Kushtetuese
të Republikës së Shqipërisë**

Bazuar në nenin 125, pika 1 të Kushtetutës së Republikës së Shqipërisë, që përcakton kompetencën e Gjykatës së Lartë për zgjedhjen e tre anëtarëve të Gjykatës Kushtetuese, nenin 7/ç, pika 1 i ligjit nr. 8577, datë 10.02.2000 “Për organizimin dhe funksionimin e Gjykatës Kushtetuese të Republikës së Shqipërisë”, i ndryshuar, si dhe në nenin 26, pika 2 të ligjit nr. 98/2018 “Për organizimin e pushtetit gjyqësor në Republikën e Shqipërisë”, Kryetari i Gjykatës së Lartë, pas njoftimit të vendit vakant nga Kryetari i Gjykatës Kushtetuese, shpall hapjen e procedurës së aplikimit në mjetet e informimit publik dhe në faqen zyrtare të internetit.

Referuar njoftimeve të kryera nga Kryetari i Gjykatës Kushtetuese për 3 vendet vakante në datë 09.01.2017, 27.09.2018 dhe 14.02.2019, Kryetari i Gjykatës së Lartë ka bërë shpalljen publike për plotësimin e tyre, përkatësisht në datat 16.01.2017, 21.11.2018, 19.04.2019 dhe 03.06.2021. Për të tri thirrjet e para ka rezultuar një numër i pamjaftueshëm i kandidatëve. Kjo situatë është bërë shkak për moszhvillimin e procedurave të mëtejshme nga ana e Këshillit të Emërimeve në Drejtësi, me qëllim plotësimin e vendeve vakante të gjyqtarëve kushtetues nga Gjykata e Lartë. E njëjta situatë është krijuar edhe për një vend vakant të shpallur me thirrjen e katërt, datë 03.06.2021, konkretisht për vendin vakant të krijuar nga përfundimi i mandatit të z. Gani Dizdari. Për këtë arsye, me shkresën nr.215.Prot, datë 04.10.2021, Kryetari i Këshillit të Emërimeve në Drejtësi i është drejtuar Kryetarit të Gjykatës së Lartë për të vlerësuar rishpalljen e thirrjes për këtë vend vakant, sipas ligjit.

Në kushtet kur:

- mandati i plotë 9 vjeçar i z. Gani Dizdari përfundon në datën 08.04.2022 dhe njoftimi për këtë vend vakant është kryer disa herë, si nga Kryetari i Gjykatës Kushtetuese, ashtu edhe nga Kryetari i Gjykatës së Lartë, përmes hapjes së procedurës së aplikimit,
- referuar njoftimit të kryer nga Këshilli i Emërimeve në Drejtësi për pezullimin e procedurave të mëtejshme, për shkak të numrit të pamjaftueshëm të kandidaturave të paraqitura për këtë vend vakant,
- nisur nga fakti se procedura e verifikimit të kandidatëve nga Këshilli i Emërimeve në Drejtësi kërkon kohën e nevojshme për t'u realizuar, e cila sipas praktikës së deritanishme ka zgjatur mesatarisht deri në 6 muaj,

- në respekt të detyrimit që përcakton neni 9, pika 3 dhe neni 7/ç i ligjit nr. 8577, datë 10.02.2000, "Për organizimin dhe funksionimin e Gjykatës Kushtetuese të Republikës së Shqipërisë", i ndryshuar, se hapja e procedurës së aplikimit duhet të kryhet 3 muaj para përfundimit të mandatit të gjyqtarit kushtetues, pra jo më vonë se data 08.01.2022,

Kryetari i Gjykatës së Lartë rishpall thirrjen për plotësimin e vendit vakant për një mandat të plotë 9 vjeçar, të krijuar nga përfundimi i mandatit të gjyqtarit të Gjykatës Kushtetuese.

Afati i pranimit të kërkesave të kandidatëve është 30 ditë nga data e publikimit të njoftimit.

Pas përfundimit të këtij afati, Gjykata e Lartë i përcjell Këshillit të Emërimeve në Drejtësi dokumentacionin e paraqitur nga kandidatët për vlerësimin e kushteve dhe kritereve të emërimit të tyre në Gjykatën Kushtetuese.

Kandidatët që konkurrojnë për mandatin e gjyqtarit kushtetues të zgjedhur nga Gjykata e Lartë duhet të paraqesin dokumentacionin e nevojshëm që vërteton plotësimin e kushteve dhe kritereve që parashikon neni 7/a i ligjit nr. 8577, datë 10.02.2000, i ndryshuar, si vijon:

1. Gjyqtari i Gjykatës Kushtetuese mund të zgjidhet shtetasi shqiptar që përmbush këto kushte:

- a) të ketë zotësi të plotë për të vepruar;*
- b) të ketë mbaruar arsimin e lartë juridik, Diplomë e Nivelit të Dytë*
- c) të mos ketë ushtruar funksione politike në administratën publike dhe të mos ketë mbajtur pozicione drejtuese në parti politike gjatë 10 viteve të fundit nga data e kandidimit;*
- ç) të mos jetë në procedim penal dhe të mos jetë dënuar me burgim për kryerjen e një vepre penale;*
- d) të mos jetë larguar nga detyra për shkaqe disiplinore dhe të mos ketë masë disiplinore në fuqi;*
- dh) të ketë kaluar me sukses procesin e kontrollit dhe verifikimit të pasurisë së tij personale dhe të familjarëve të tij, sipas ligjit.*

2. Kandidati që përmbush kushtet e parashikuara në pikën 1 të këtij neni, duhet të plotësojë edhe këto kritere:

- a) të ketë përvojë pune jo më pak se 15 vjet si gjyqtar, prokuror, avokat, profesor ose lektor i së drejtës, jurist i nivelit të lartë në administratën publike;*
- b) të ketë një veprimtari të njohur në fushën e të drejtës kushtetuese, të drejtave të njeriut ose sfera të tjera të së drejtës;*
- c) të jetë vlerësuar për aftësitë profesionale dhe integritetin etik e moral.*

3. Plotësimi i kritereve të mësipërme vlerësohet në bazë të:

- a) vjetërsisë në profesion;*
- b) përvojës së veçantë të kandidatit në një fushë të caktuar të së drejtës, ose këshilltar ligjor i Gjykatës Kushtetuese a Gjykatës së Lartë;*
- c) kualifikimeve pasuniversitare dhe trajnimeve në fushën e të drejtës kushtetuese, të drejtave të njeriut ose në një fushë tjetër të së drejtës;*
- ç) treguesve shkencorë, ku përfshihen botimet dhe artikujt shkencorë në fushën juridike;*
- d) ecurisë gjatë kryerjes së arsimit të lartë juridik, me një mesatare notash jo më pak se 8 ose të barasvlershme me të, nëse arsimi i lartë është përfunduar jashtë vendit ose vlerësimi përfundimtar në Shkollën e Magjistraturës;*

dh) informacioneve të marra nga institucione të tjera publike.

Lista e kandidatëve do të bëhet publike në faqen zyrtare të Gjykatës së Lartë, me qëllim që institucioneve publike, organizatave të shoqërisë civile me veprimtari në mbrojtjen e të drejtave të njeriut, ose të krijuara për mbrojtjen e interesave të përdoruesve të sistemit të drejtësisë t'u jepet mundësia të paraqesin pranë Këshillit të Emërimeve në Drejtësi opinionet e tyre në lidhje me kandidaturat.

ZËVENDËSKRYETARI

SOKOL SADUSHI

